

讀白華草堂詩二集

讀白華草堂詩二集卷九

癸巳

鎮平 黃 劍 穀生

早春偶成

河冰將泮雪消殘  
宮樹參差轉綠看  
金屋烘晴花性悅  
玉堂催曉鳥言歡  
自來帝里春常早  
共說 恩波海並寬  
酒滿床頭書滿架  
可容儻舍作朝官

正月四日家樹齋先生招同徐廉峯編修張茶農

深嚴間樵 保庸 兩明府史梅叔明經 密 集飲席

問題畫龍障子

紅日東升紫煙起  
九陛龍顏識 天子朝回召客舉春

商山先生集卷之五  
一  
鴈正報狼烽銷鹿耳

時臺警報捷

回頭壁上波連空衙衙頭

角蟠雲龍滿堂動色訝奇譎墨戲髣髴陳所翁鱗開爪  
舒裂帛去瞬息風雷隨所遇酒腸詩膽爭攫挈徑欲騰  
身入煙霧君不見去年旱暵環帝闔連番封事陳諫  
臣齋宮圭璧慙孚速已見甘澤流浹甸太平潤色非  
無本霖雨蒼生尚有人

人日出遊自天橋至永定門

雪霽冰澌綠意盈天橋南望似平蕪時雲壇樹祈年地  
寶馬香車仕女圖猶記草堂醉人日又來春色看皇都  
青帘十字紅欄曲可有精邱識酒徒

節母汪孺人秋鐙課子圖爲程鎮伯孫題

鐙影機聲舊有圖穉存當日亦遺孤

洪稚存鐙影機聲圖亦爲其母夫人

作也看君續史分蓮炬好慰慈烏作孝烏

廬陵王孝子

詩孝子諱殿墀號立齋王霞九太守尊甫事見旌孝錄本傳太守祖光

昇號乙垣亦孝丁並受旌

賊叩頭虎帖尾至誠感動泣神鬼枯桐生孝泉出至性  
完全卽仙佛廬墓三年蹟如此生平制行可知矣吁嗟  
夫天生孝童報孝子天報孝童生太史二千石俸償負  
米兩世旌贈仍未已君不見瀧岡阡表官太師崇公食

報有如斯

青燈課兒圖爲王霞九太守

贈芳

題

太守視學楚北時取放翁

詩句青燈有味似兒時校士蓋太守失怙後共母夫人課督成立追維母訓因繪爲圖

兒時未識青燈味貯苦停辛阿母知今日黃堂新太守  
何如白屋舊孤兒

紅燭三條夜未央當年校士有輝光可知綠幕黃簾裏  
酸淚時時滴影堂

太守兒時偶廢學太夫人泣而教之贈公影堂前至哽咽廢食

初夏偶成

穠熟紅苞稔藤長綠蔓紛酒懷風善豁花事雨能勤漸  
老思行樂常勞肯息筋卷舒隨運好閒看帝鄉雲

子毅招同鼎甫小飲時鼎甫已就廣文將出京

顧文題畫梅韻

愛梅如馬抵百金作詩似棋爭一子當時大何子劇清  
狂好事常縈夢魂裏邇來小何更超雋置酒丐文仍不  
已吾儕仰屋頗自如奚必如蠅鑽故紙委心自許任去  
畱學道共深無愠喜天山藏業迹諸心人世噉名食以  
耳髯今南歸足高尙莫道一官冷似水亭林顧頹後定  
字惠圯後有作者亦罕矣走也生平敦言交二何好我  
無彼此九州人物自可數孰如我髯温且美瓶中芍藥  
歎將離江上芙蓉漫相比

寄荅朝鮮李藕船惠吉

藕船前年奉使來京與儀墨農交稔知余名今  
春寄墨農書并贈倭刀一柄名六哥仙并黃葉  
懷人圖冊中有贈余三十字自聞香鐵名願見  
心鬱紆消息孝廉船江鄉滯菰蘆千古陽春曲  
因風寄我無余與藕船未識面豈少陵所謂文  
章有神交有道耶墨農作回訊要余作詩報之  
因成廿八字付墨農寄鼎

六哥仙贈儀長孺鄭重情懷似呂虔金錯刀成三十字  
感君封到孝廉船

保陽四首

雄邊看控制形勝扼中山夜雪飛狐道秋風倒馬關材  
官跨腰箭壯士撫刀鏃頗喜亭烏畫時平斥堠閒

瀦水何承矩籌荒度博平土宜原沃壤民事念春耕轉  
粟仍多費屯田久緩征 皇仁重畿輔何以悉經營

舊是張柔鑿臨漪峙一亭 行宮從 駐蹕講舍此橫  
經可有蘇門學聊從孔壁聽清音自山水風過韻泠泠  
西道清風店南河明月沽騾綱驅短策魚市接長蘆挾  
瑟名倡聚探囊劇盜逋似聞行旅悅來往已夷途

同魯輿方伯翼勤齋小飲卽事

椿蔭亭亭覆玉階日長退食共牙齋周醪羊醞酣交誼



黍雨棠風滌暑懷三輔屏藩資保障百年粗糲待安排  
生平未願拖朱履依舊疎狂着筍鞋

讀衍慶堂詩全集敬題一律於卷末

衍慶堂詩全集乃宮保代

雲開府作公自作蠅頭小楷書之裝爲十四軸

萬里圖經幾軸攜荷戈樹戟理能齊明霜廢堡彫紅柳  
瘴雨荒祠洗碧鷄看到嶽蓮身汗漫吟殘湘竹夢淒迷  
白泉茅屋青藤舍行脚僧來掃壁泥公居白泉時常繪僧服拈花小影

徐石林孝廉

夔典

莊寄漁明經

心序

邀同人讌集

借樹軒卽事

伐木詩歌未許刪嚶鳴樂意總相關夫容美好多依水

遠志褻裒待出山長揖公卿仍落拓祇談風月且蕭閒  
書牆記取雲萍雅畱與他年別蘇斑

林石笥孝廉

從炯

兒和借樹軒同集之作次前韻

奉簡

客愁如草不能刪新綠垂檐學閉關儘有清樽傾北海  
羌無捷徑似南山豬肝供給皆爲累雞肋功名並等閒

余與石笥並充

國史館騰錄官

且與炎州說風物唐園已見荔支斑

題林石笥珠江買醉圖

時同客保陽藩署

廿年醉看豐臺花貂褌錦靴飛鈿車三冬雪片大如掌  
迴眸一笑傾流霞殘春夢醒櫻桃熟鷓鴣忽唱南飛曲

振觸鄉心到海珠闌干垂手明如玉橫樓船名金碧閃洋樓荔灣花田接素秋枕邊細果檳榔盒帳底濃香茉莉毳比來揮汗紅塵陌客倦欲歸歸未得明月清風過市門彈箏躍馬矜顏色囊空取醉已無錢展卷因君一惘然途窮作達皆非計年少能狂盡可憐

徐石林以西谿丙舍圖屬題感賦

麻衣如雪逐緇塵廿二年前一鮮民尚有白雲橫子舍得歸長侍倚閭人

荒荒落照下松楸又愴啼鳥漸白頭忍數餘生說強壯百年身世祇蜉蝣

君圖我像

余失怙後繪一僧  
服像時年三十六

各淒然歸去都無守墓田

多得友朋詩慰勉穹碑異日表高阡

卷裏梅花亦蓼莪白華詩缺廢笙歌巖山丙舍松千樹  
日夜濤聲攪夢過

顏魯公名印歌

魯輿方伯官  
陝石時所得

橫流安定顏綱紐諸葛大名同不朽

文忠與諸葛  
忠武同里

太師

老仗蘇武節不在區區印懸肘銅章二字誰所爲小篆

鬱律蟠蛟螭物以人重非玩好是真是贗毋見疑醴泉

長安服官始鳳棲原上秋風起隴西決獄頌平反仍是

琅玕舊孫子碧暈爛斑土花紫摩挲故物猶傳璽當時

詞林典故  
若效司農笏濺血還能擲朱泚君不見江東文士延蕭  
存陸上修清河僧潮亦同書局韻海於今有鏡原字書依  
舊存千祿流傳此印想鈴朱當日名臣本大儒文章氣  
節應同見彝鼎圖書亦自娛

遊古蓮花池作

亭臺褪淺紅林巒鬱深翠斑斑虎皮石蒼蒼龍鱗檜晴  
虹梁橫腰怒猊洞穿鼻地衣銷碧唾天鏡洗綠膩編柴  
鹿養茸掠桁蛭交翅翠華想巡遊吉貝嵌岡繪耕織  
念民依絃誦作土氣仰觀奎畫精旁參葢幢諦寶軸藏  
蓮經仙毫護苔字循墻竚裴裒坐閣歸載記

客居四首

長安米逾貴出門謀一飽故人已厚祿往見何必矯風  
塵看鬚鬢執手各言老吾老况復貧爲言貧亦好百事  
不可做菜根仍許齷斯言足心感入山悔不早

亦思買山栖苦無負郭田飢驅復出走直北來幽燕冠  
蓋非昔遊裘馬多盛年時宜己不合賣文少得錢得錢  
卽沽酒甕頭且酣眠吏部固自佳步兵乃可憐

寓軒如吳船窗綠作湖色今年雨何勤十日晴兩日我  
來將匝月扁戶不得出醉來百無事酣睡枕書帙平生  
五湖心夢亦盪胸臆黃金鑄像成美人侍巾櫛

園竹久低頭垣柳亦生耳今晨忽放晴花木大懽喜客  
懷青蓮開清淨得佛旨佛言絕貪嗔我意澄聽視有垢  
慎莫藏有髮須自理是名心太平築菴可以止

魯輿方伯以所藏聚珍版見贈謂售此可營負郭  
田作歸計感其高誼作此奉謝

蠹簡四十年刻入得幾許糝糠腹中字長飢不堪煮多  
君憫我窮所給非釜庾木飢易金穰韻事作豪舉櫃藏  
甘萬字經年寄人廡五車概相贈下金未足數貧兒欣  
驟富活計可自主當如孳牛自豈望母哺乳而粟事不  
誣卽今可信古憶君造字時竭蹶吾目睹孤裘寄質庫

馬券押園府翩翩佳公子豪尙鄙阿堵詎知棗並梨可  
代稔與黍欣然作指囷謂此勝刻楮吾生性木強糞鹽  
甘鋏苦時常荷君惠傷廉慙所處何期恤桂玉更勞念  
桑苧昔人艷妾馬往事餘縞紵自非印板文佳話佐譚  
塵歸營負郭田十千歲可取行看嚼文字永以鑄肺腑  
得玉兒家書頗爲慰喜覆示一首

我爲飄零賸書劍爾能隨分辦糞鹽情知入世全亡補  
事到干人已不廉盡室勤勞無地種頻年歡喜有丁添  
去年又生一孫何時負郭餘千畝略比丹陽慰仲淹

將鬣鬚矣戲成一首



婪尾春風酒已消，狂蜂到此亦無聊。  
鏡中老色慙難諱，瑟上華年怨易調。  
好夢能成朝薙草，清吟無恙晚耘苗。  
因循雌甲休相笑，還與先生約後彫。

暑窗卽事

閒來雲母窗間坐，醉向楊妃榻畔眠。  
一月雨晴存日記，呼龍時候浴貓天。

丁丁一十二時鐘，夢向洋樓第幾重。  
憶着荔支灣外路，午潮初上水羅松。

蜓翼輕紗做碧疏，宣窰缸水淨龍魚。  
臨池閒仿平原帖。

第一先求太保書

金泥綵筆繪雲藍六扇屏開像佛龕自捉繩床蠅拂子  
印香回向鼻塵參

天涼坐憶翠壺冰濕伏初窺雨似繩爲囑桃笙收拾去  
宵來準備讀書鐙

白卮碧椀出于闌葡綠瓜青色味鮮六月天山冰雪境  
火雲可否似幽燕

紫羅十幅翦蚊幃艸草蟲蟲繪一秋細竹蝦鬚仍透漏  
靜看蠅虎舞涼州

石鼎聯吟換竹鑪萬春銀葉煮雲腴  
遮鐘操後鳴絲歇

閒却吳中玉鼻壺

余在吳中嘗  
製琴式茗壺

官奴細楷擅銀鉤  
湘竹洋金寫聚頭  
長與墨林供把玩  
不教團扇共悲秋

錦暉牙籤度 賜書竹風梅雨淨  
階除瑯嬛祇有張華  
到始信神仙是蠹魚

宮保開府顏公輓詞

河嶽還精氣 封圻失典型  
帝猶思耆老 天豈吝遐齡  
舊德垂庭誥 耆勛勒廟銘  
斗南齊仰望 何遽策箕星

司馬歸園後 恩榮福倍饒  
起居仍八座 知遇述三朝

姬梓瞻前拜 秦松驗後彫  
九原聞傳笏

謂先大中孫子  
丞靜山公

善承祧

今日淀河路秋風丹旄涼遺容瞻几烏留愛泣甘棠旦  
爽功猶在韋平澤正長魂歸還戀 關北望白雲鄉  
舊忝登龍譽叨聞詔鯉言來頻取茶具過每辱高軒悽  
惻嘔心語低徊刮目恩孤寒同下淚何況侍晨昏

攬鏡

攬鏡朱顏已改觀曠懷仍作昔年看漸凋鬢似將殘柳  
新種鬚如乍蒨蘭好向西風勤護惜聊從佳日樂盤桓  
眼昏齒動何關事詩尙能吟酒可乾

飛花依舊徧春城年少能狂已半生客裏編詩如日記  
壚邊嘗酒有風情馬通馳糞東華土趙瑟秦箏北里聲

讀白華山志卷之二  
至竟光陰成浪擲黑頭無分作公卿

過張桓侯井里

慷慨英雄遇驅車又夕陽斷橋鼓潦蕘廢井接樓桑  
奮迹屠沽羨迎神婦孺忙將星西墜日遺恨似彭亡

題荆甫樂志圖

未稟天下蒼生望聊遂山中宰相心展卷居然成廣廈  
著書豈爲廁儒林龍蛇天地藏身固鴻鵠江湖戢影深  
何日從君洞庭去蓴絲煮玉橘垂金

簡鶴田中翰

但有客投刺常如僧閉關鶴飢愁俸少驢茶喜官閒歲

月衣蟬老煙雲袖石頑憐君居不易未敢乞還山

一第翻同贅如聞歎息聲文能重天子學乃異公卿

玉尺早須用金丹遲亦成中書仍未禿饌箸待鴻生

八月五日樹齋先生招同徐玉厓仁本張鼎甫梅

伯言曾亮艾至堂暢徐犖生卓凌厚堂瑩集飲

寓齋有懷郭羽可儀霄張亨甫

辣句酷嗜梅公酸伯言及門況有徐師川犖東鄉堂至水味

傍雙井支派分出西江寬文潛淵不偶賦歸隱仲車玉

教授俱能賢暫時主客亦千古烏程厚釀美杯從乾是

時秋深暑已闌井梧老綠巖桂丹似聞今年收穫熟江

鄉紫蟹先登盤儒生論說半述古縱談時事皆空言生  
平懷抱有稷卨封事一出人爭傳江湖廊廟各有事眼  
前文酒同流連九州人才自可數一室權聚非徒然吁  
嗟乎九州一室非徒然君不見中州二子亦可憐輅車  
載去看河山

羽可亭甫並  
客中州學黨

遺薪詩

番禺三昧坑相傳地仙王野人燒丹之所石竈  
遺址尙存有蟲名遺薪余同年蔡樹百署正居  
螺山與坑相近爲賦此蟲狀形奇詭可補廣南  
異物志邀余同作爲賦二絕

焚壤書堆各化身  
憐渠丹竈說遺薪  
子尼爾雅原勤學  
不獨遊仙郭景純

棄材殊勝死灰然  
顛動仍全混沌天  
尚有鞠通來爨下  
尾焦依舊不能仙

潘星齋

曾瑩

夢遊靈巖圖

春山笑花鳥裙屣影參差  
金粉此爲祖薛蘿今付誰  
君常念鄉月我亦憶兒時  
兒時僑寓吳閩有夢同飛越  
何因學子皮

題凌厚堂注經廢書二圖

眼高四海縮千秋  
夢飲三爨絕九流  
安得萬牛輦文木



造成百尺注經樓

注經圖

箸書未了廢書歎不見軒中吳彩鸞

厚堂著德與子共配席珠內史爲之

注內史年二  
十五卽化去

此是蓬萊方士術肉人休作學仙看

廢書圖

重九日樹齋先生邀同艾至堂陳東之

潮潘星齋

袁希肅

脩謙

及先生令嗣子幹

秩林

集飲江亭

秦川對酒佳公子燕市酣歌不遇生痛飲讀騷當此日  
登高能賦若爲情金膏玉醞歸文席雁雨蛩煙羃帝城  
又向江亭作重九不堪久客話蓴羹

潘星齋花影吹笙詞意圖

香霧空濛著綺寮華星三兩綴良宵碧天無際乘鸞杳

冷煞樓東紫玉簫

小梅春透玉聲寒  
指冷應憐半臂單  
花影如潮宵似水  
比肩人合捲簾看

昭華三弄憶嬋娟  
會記驂鸞入桂天  
背手微吟角巾影  
前身應是石湖仙

雁柱何如鶯管長  
華年生怨織流黃  
何因細把花冠整  
同數春星住草堂

星齋以紅蕉館詩集見示題贈一律

三珠樹盡碧琅玕

謂功甫及被庭

一本紅蕉雪裏看  
視艸才華

金管重影花風調  
玉笙寒烏衣未要矜  
門第紫袴還應

笑綺紈當日買絲誰繡得唾絨窗下未曾乾

星齋配琇卿夫人並

工詩畫伉儷尤篤集中有題課繡圖詩

送張翰山宮詹之楚藩任

峩峩瞻黎峯沉沉測瓊海地脉懸靈鼇天荒破神獬偉  
人間代生邱文莊海忠介遙相待公昔辭蓬山東南望風采

常紆堯廡災用代禹泣罪還朝洵宮端聖人意有

在學術濟蒼生風力式僚窠温室承天語帝臣媿元愷  
頻年江漢間沈菑勞澹灑豈惟廛仔柚尤切瘼凍餒旬

宣資賢藩仗卿倒懸解鄉人祖公行懸樂罷帷綵時有國恤

比者南海區較楚災幾倍近聞有封事籌患及夷貊曾

如侍御昨  
上封事

公誠念桑梓一隅限窮澣安得居廟堂用以

調鼎魚

奉和芝軒相國槐園四詠

啣花供佛眷食艸侶仙羣山澤從收性園林幸息筋間  
牛心共切養鶴俸常分見說芴蒿足時聞風露熏

飼鹿

曲折盆山裏居然比大瀛術應羞致富理可悟觀生間  
有南屏憶能無北海情此中殊育育不礙水常清

養魚

一角園仍空因思王子猷梢添紅鵲尾筍迸綠貓頭佳

士豈堪闕春農同有求檀欒足修蔭滿地碧雲流

補竹

綴錦鋪三逕圍雲倚十檣根苗資地厚富貴得天強種

偶同潘縣收應異陸莊秋來看老圃詎復少餽糧

栽花

子貞於琉璃廠書攤購得翁覃溪學士手書詩藁

一本屬賦

何郎好古成膏肓日從廠肆搜球瑯殘碑贖禍盡蒐致  
片紙隻字勤收藏蘇齋此稿落破簾大異李賀投奚囊  
一金易得竊心喜賈胡碧眼窮蒙芒要我作詩識好事  
想見諸老同清狂魚門蘅石遊最密豈有牴牾存參商  
稿中粘有程魚門錢棹石書札語似與魚讀書養氣可  
門有所淵澹而骨石爲之排解而始釋名 見道卷端有讀書養氣及詩名文  
之餘文有道之一端等語 五弊已去歸康莊前  
自警云字不真者通套之弊太鬆太長者順勢之弊傳  
會門湊者查書之弊作入纖巧者討好之弊去此五弊

而適於正路又要精深厚實又要  
開拓能事本性求精脫胎換骨 癸正月至乙八月二

百餘首從否臧

卷面題癸巳正月至乙未八月此一本內詩二百九十二首其勉強存以備改

者二百蘇齋賦性近嚴覈七載校士巡吾鄉魚山一叟

出珠浦百圍巨木森門墻論詩後乃服錢子意見時復

存低昂

兒蘇齋所作馮魚山此部遺稿序

卷中桐陰亦高足

饒桐陰太史慶槌大

人今我起敬思維桑何郎與我最友愛通門之誼同雁

行懷瑰抱竒並不偶正坐好古羞時粧一昨自娛軒下

坐窗隙隱隱生湖光毛西朱宅二老古風骨杖屨合繪

鬚眉蒼蘇齋題句紀年月

西河竹垞壬午同遊湖上蘇齋放證是歲西河年八十竹

垞年七

詩譜紀略同精詳

子貞復從嚴而購得蘇齋手書詩譜紀畧小摺自東坡生

年起訖查初白卒年止紀  
歷朝人物生平如史例  
前輩風流孰可繼乾嘉之際  
猶相望何郎弄之貯巾箱有人爲熱南豐香

星齋以琇卿夫人秋海棠蛺蝶畫幀見貽賦謝

婉露嬌煙滴嫩紅閒階開處一叢叢共誇寫韻軒中筆  
圖到餘春分外工

王署奴最解尋幽栩栩墻陰媚絳秋一例調鉛費斟酌  
淡金薄粉足風流

長至日樹齋先生邀同徐廉峯編修王琴查農部

寅戴雲帆水部  
綱孫艾至堂孝廉史梅叔明經

龔木民明府  
潤森潘星齋待詔集飲分得侵覃

鹽威通韻成長句一首

曦陽射窗風刮檐穴居火鼠愁冰蠶高齋雪壁下旣幕  
密與緹室同深嚴主人召客作雅集鯨鱗雉兔從魚燭  
筮易得朋數符九一陽始復旋盍簪座中何人健談虎  
寶刀躍出寒霜鐔

木民出所作牟將軍寶刀歌見示牟名大寅時稱爲牟老虎

方今

天子神且武小醜殄盡通巴黔司天登臺書雲物已  
弭兵氣銷氛稜花門牧馬可折筆詎煩壯士重枚銜羣  
公匡時計國用眼前封事非空談司農水衡議經費正  
苦杼柚先東南主人呼酒且乘酣興來更把詩鬪拈漫  
憑清濁論賢聖未用險窄誇又尖今年雨陽正時若



宵旰稍釋民安恬黍糕薦祀同醑賜飲和食德 歌恩  
覃五紋線已宮中添六出花待農人占吾儕但作文字  
飲醉飽豈復憂謗讒晡來登車各下幘窺見煙杪升明  
蟾

輓林叔秋別駕

滋秀

猶憶江亭會相逢遽笑言老科陳橋榜古貌矮松根半  
刺銜空換全詩篋自存青山老鶴唳前夜與招魂

叔秋  
病逝

同人皆未及知端水鶴田  
獨至其停機蘭若哭之

早達僧遲宦其如注選何

叔秋以截選知縣因親老改  
近後部掣得湖北荆門州

同以會告近不  
能赴任別選

有生親尚在垂死語無多雲鬢湯徧沃

冰腸炭不和魂歸化朱鳥愁絕建江波

題湯海秋儀部鵬浮邱閣詩集卽乞其題松下譚

玄圖

京塵五色障眼迷一編到手施金篦此材何止萬牛挽  
所托不與羣雞棲誰言奇服製從楚我如韶樂聞在齊  
朝回有暇捉椽筆醉墨且乞松間題

手鑑消寒作

貂袖鎮提携裁囊束錦綈瘦金炷銀葉軟玉慰柔黃炙  
硯螺銷額熏衣麝暖臍未應承鳳鳥何處着香泥

雪窗卽事

鏗齒冰壑凜凍蛆壓肩孤褐聳豪豬墟頭暖意消醇酒  
劍鼻奇光擁異書廣厦大裘憐客况小園矮樹憶吾廬  
眼前紙閣修眉史生白生紅午睡餘

奉鄭親王教

春風榮草澤秋水

園

敞池亭梅花龍蟠爪篁修鳳養翎

氈廬寒士覆花徑內臣經往日枚鄒輩傾樽餉綠醕

四方齊躡屨獻器仰河間古有深情嗜今仍厚賞頒築  
臺同物色運榻共承顏西邸編皇覽風流未許攀

一紀

橋山役賢親篤慕思

今

命

上登

極

初

年

王

奉

停

山陵

人工

停

車嘉主美策馬軫民飢玉蘊溫純德琴弦雅頌詞恬吟

逾刻燭輿上錦囊隨

昨日開東閣如披博古圖銘盤銅駮翠篆璽玉鈐朱雅  
集從招客清談獨喜儒有生叨眼福何止飫珍廚

嚴寒憶樹百同年作此簡之

俠腸不宜交剛腸不宜宦孤行招謗讒識字多憂患君  
如厄五窮故應得侮慢昨朝大風雪嚴寒逼歲晏佳兒  
立座前短裘不掩骭君乃慨以慷流涕述鄉縣新成紀  
異詩未敢令人見當時杜陵叟憂時慨世變直年每觸  
諱欲吐正須噤吾儕托酒狂詎望作詩彥卽此盛激昂  
旣足長貧賤市門值餽歲麀兔挂羔雁勸君且溫壺無

爲空炙硯

雪中星齋以素絹畫花鳥見貽爲賦二首

柳梢月上又黃昏並命禽棲悄不言可識疎燈池館裏  
有人和黛寫銷魂

翠羽寒林破夢還玉笙吹怨冷嬋娟劇憐炙得東風軟  
凍雪纔消月又圓

題丁芝仙夫人蝴蝶花畫幀卽次子萱韻

錦樹丹青悟化機香魂綺夢識通微絕憐修到花身後  
依舊瑤階作對飛

讀白華草堂詩二集卷九終

讀白華草堂詩二集卷十 甲午

鎮平 黃 釗 穀生

正月十五夜作

金線壓貂裘禁寒人倚樓  
篆痕紫月婉酒力托春柔  
攔笛心情慧燒燈院落幽  
劇憐明鏡滿正挂柳梢頭

清明前五日種花作

種竹如抱孫種花如置妾  
長安十年居客情慙權愜春  
宵擁朝雲垂白倚紅頰  
曉起約行園位置得妥帖  
藤長屋施蘿樹密巢接葉  
喜無棘鉤衣畧有泥印屨  
鴉鋤圃柔黃土膏共脂  
浹好風四時俱微雨連朝  
接定知高下

花長石雌雄蝶吾廬昔落成花砌甃苔堞領鶴啓書樓  
曲房擬小牒褰幃一笑春含光想佳俠邇來戀京塵小  
園夢屢涉牽纏有薜荔料理等皂莢何當快合并梅額  
對桃牘

是日復移柳一株於牆東

種花許並肩移柳復交手墻脚燧而東月出光先受含  
情睇月光天星共長久生梯復生華少好忘老醜流鶯  
自比鄰雙燕亦佳耦但看瑞錦窠肯落海棠後移根須  
覘士士鬆脈自厚殷勤提窶妻辛苦灌園叟近勝困風  
塵修眉擁箕帚齊心同所願環堵矢相守飛花共青眼

飛蓬共白首從歌陌上桑非復道旁柳

種瓜

吾廬薄有園種菜亦種瓜瓜蔓當夏長濃綠陰周遮老  
妻坐門續童孫傍扇茶瓜棚共閒話風味真桑麻邇來  
圖肉食衣塵浣京華東陵試相訪故俟餘幾家客居餘  
隙地未堪種菰茄候籬且種瓜守瓜當藤花老來縱食  
色此外夫何加金看荔支熟綠聽葡萄誇炎天五六月  
微涼透輕紗相期臥瓜陰驅蠅使無譁

江州總督詩

總督李名補汝寧人泰定四年狀元及第七十二年徐高輝破江州總

管死之贈淮南江北行省左丞隴西公諡忠文



紅巾寇南淮西逼總管先期請備賊言不聽事果亟

武昌已破江州岌索羅情不石丞望風遁計過賊歸賊

可困黃梅主簿也孫帖木兒獨能奮背城一戰賊幾燼賊不

利陸必以舟預設木椿當中流沿江鼓譟來千艘火攻

出釜焦魚頭賊鋒雖挫勢益熾淮甸荆湖失屏蔽孤城

戰守力俱窮眼空不見援兵至北門已報平章禿堅不花走

西門火起勢難守張弩猶能却賊攻血濺東門尙揮手

勿殺百姓但殺我七人雄軀橫道左猶子堪憐共刃鋒

乘遺孤且令存香火方乘真人應運乘乾始忠宣余廷忠

文並祠祀何家堡共清水塘節義奚須判生死吁嗟夫

有元策士亦臨軒老臣危素慚九原科名不負相

榜眼

余廷心泰定中榜眼

銜髭約狀元

寒食日作

柳芽纔長燕新雛風軟如塵雨似酥絕好年光作寒食

韭泥芹雪醉當壚

薜蘿門巷席籬墻比似盧家玳瑁梁畱得餘寒試新火

一篝銀葉護濃香

三月一日梅伯言郎中

曾亮

易晴江

編修

木君樞部

鐸

馬湘帆農部

沅

同過朝初農部

叔檢討寓空會飲卽事

雅集奚煩折柬招捉鳧攜酒近相邀

晴江湘帆會中主

客皆真率日下鶯花未寂寥休暇豈妨文字飲蹉跎

媿 聖明朝下車傾蓋從權笑

翰初昆季湘帆皆舊好木君伯言去歲始定交

晴江是日甫識面

已覺年來鄙吝消

春城夜話圖

爲梅伯言郎中陸萊臧司馬顧杏樓工部溫明叔檢討題圖歸陸攜回圖

中

班銜冰玉迹寧孤官職詩名近似無宴罷櫻桃十三載

又逢寒食攪齋厨

四君皆王午進士同食時伯言寓半截湖白衣是夜話於此

聽鼓應官去又忙黃紬被舊疊開箱他時剪燭應回憶

丹鳳城南春夜長

與翰初同車至崇效寺訪牡丹  
三月十一日

招提舊徑未曾歧  
下馬回尋海目碑  
佛示因緣都有着  
花能富貴不嫌遲  
齋廚尚冷餘僧葷  
淨室常空待客棋  
記向長干孤塔路  
廿年彈指鬢俱絲

寄盛子履用丁丑冬夜奉懷韻

鳳城春漸老  
老眼望觚棱  
記昔上元夜  
聯吟花市燈  
年華真似水  
門館久如冰  
昔藉吾將就  
同慚食肉僧

上巳日至魚藻池散步作

又到風詩祓禊天  
依稀溱洧謔前川  
春人臨水思盤馬  
冶妓當門識數錢  
自昔苑花推殿脚  
魚藻池本金  
時瑤池殿  
祇今

時樹出牆肩

園丘壇在其南

少陵老去羞華髮步屨閒來憶惘

然

道州書彖歌贈子貞及羣季

君不見瑯琊父子承典午皇象以還肇宗祖又不見東  
海父子嗣李唐我窟家法從頡頏元明至今孰繼起始  
見道州名父子磊砢自出平原顏疎屐不學襄陽米

本朝舊重石菴相斂氣功同木雞養低眉老佛怡尊嚴  
大力內含伏龍象安西何至慚鷄鶩日購月收幾百軸  
薑芽帖已播朝鮮瘞鶴銘應落山谷憶昔及門講筋骨  
錐沙印泥審落筆畫被諸郎識過庭懸惟弟子雅入室

邇來紙價高於繭子舍幾同鐵門限奴書論出知何如  
米俗董陋况其餘君不見道州父子今王徐

龍陽尉

嚴韋川激華隨筆青文勝字質夫蜀大寧人也洪武間以貢士爲龍陽縣典史龍陽

故濱洞庭歲罹水患田去賦存計年徵三萬七千有奇民竄徙無以爲生公愀然憫之乃詣南都奏聞疏三上不報遂自經於登聞鼓下明太祖嘉其忠詔免龍陽租二萬四千餘石永不起科龍民思其德立祠以祀區曰忠惠後蒙卹典謚惠烈至今祠額猶新云

龍陽縣民苦孽龍龍陽縣尉額九重三萬七千租額充  
賦存田去尺曷供民其爲魚且爲鴻嗷嗷中澤哀鞠囚  
以哀籲天祈天聰登聞院前鼓逢逢鼉吼三日龍若孽  
不忍作鷓甘作雉挂向登聞鼓下死龍陽二萬四千租

一朝詔蠲龍民蘇鳴呼惠烈古所無迄今祠祀環靈巫  
龍再爲孽神且屠我歌箭里當備書青公文勝字盾大  
出身貢士籍蜀都事在明祖龍飛初

柳枝詞

眉長腰軟約風情新樣元和脚細評略似河東翠獅子  
玉蛾金繭妬紅生

瑯琊大道接銅隄滾雪團香怕作泥說與夜烏休更托  
東風四月嫁黃鸝

西直門至海淀作

東風綠馳道出郭逐鈿車煙可暖於水草還香似花高

樓燕市酒小店越州茶尺五天同近垂垂柳未遮

春夜四首

影妾與椅妻肅侍春宵坐瓶花含睡香無言獨嬌情窺  
窗見柳梢眉月已西墮挑燈訂棋譜淪水轉茶磨相期  
人未來且自料清課

小犬帶金鈴童心識歡喜巡檐候來往令令娛我耳清  
夜苦寂寥時或吠聲起院無盜綃人里有寄書使呼之  
使來前依依似稚子

博山沈水香美人托古意製爲餅十規福壽代心字憶  
從燒鐙夕雲鬢拜月地縈迴篆久長婉約味深至領略



是鄉佳且屏睡與醉

花巾鬼國來裁爲木棉被裹與萬里遊  
珍惜逾文綺嘗聞邕州蠻鷺毳製殊美  
微嫌出瘴鄉不如產海市春宵擁之眠  
深情思海水

春夜懷鶴田中翰

樹杪綴微葉露光圓一庭夜情調漏水  
春氣養華星塵鬢益新白書檠循舊青  
因思易堂叟寂坐正穿經

伯言木君湘帆翰初明叔數相過從  
輒輪流作食具居皆近市因成一絕戲簡伯言

久拚大嚼向屠門米市譁叟菜市噓  
一笑梅公呼鬚腹

江南三月五河豚

首夏朔日行園作

春餘膏始潤，冒雨小園開。  
稚綠正當齒，老紅垂下胎。  
柳花魚唼去，棠梗鵲銜來。  
認取香泥，逕灣彎印淺苔。

庭槐

亦有二三公，望其如老大。  
何交龍惜蒼翠，司馬感婆娑。  
消息音聲大，繁華夢境多。  
雙雙羨烏鵲，安樂此行窩。

園椿

人世幾春秋，難爲青鬢留。  
薰蕕猶恥薰，薰又朝暮笑蟬游。  
丙舍思乾蔭，丁山問塞修。  
未應殊月桂，仙種尙堪求。

霽夜卽景

水氣養魚雲星月亦含潤涼風吹夜濤傾耳審潮信中  
庭見積潦爛葉厚一寸墻陰鴛八流樹杪鵲巢暈 聖  
人昨齋宮夜色靜羣萬微聞米價平播種得所願紅塵  
捲白波麥氣作花韻明當出郭遊香泥看溼印

劉星輶北部

萬程

新除侍御奉簡

丹筆常溫白簡寒九天鵬鷲向風盤舊推馮宿司刑憲  
新見陽城拜諫官五日臺垣輪豹直兩年賓館其魚餐  
星輶舊與余同客在蒼梧侍御宅故人宿艸應同感遺篋彈文好代刊  
樹百間計後以京累星奔未得感賦

鷓鴣骨形骸補羊腸世路蒼星奔遲日月雨泣落風沙痛

母重傷弟

樹百叔弟梅友茂不以母病憂勞致疾母歿後二日旋卒

爲官轉累家嘯

鴟已難聽况復聽嘯鴉

卅載同年友相依若蹇童賤貧同不偶宦學究何從死  
擬皮雷豹生仍骨是龍歸歟應守墓風雨抱長松

芍藥

上市黃魚四月遲櫻桃過後又瓜時摩圍老去風情在  
繭栗梢頭感鬢絲

花葉空傳綵筆飛卅年富貴夢全非入山且辦鴉鋤去  
牽取中條白犬歸

月前鶴田約至崇效寺看花彼此後先探花消息  
未及期或過期皆左始歎我輩之不能趨時類  
如是夫余往探牡丹時鶴田適赴 園考差因  
戲及之

塔鈴語我君來時海棠花爛紅滿枝我來此花垂結子  
牡丹開亦十日矣相約看花却相左老佛拈花白枯坐  
但觀眼福同鼻塵合悟蘭因與絮果長安一日誰看徧  
十丈紅塵空紫電吾儕每事落人後難怪花神竊嘲訕  
花前知鬢同黧駮我今倦矣禪且逃予都道士誇干樹  
君去猶堪學種桃

寄琴之屈弟

少壯蹉跎並老蒼不堪回首共思量  
雁鴻飛處嗟梁少騏驎疲來病草黃  
一个弱仍憐汝健三人瘦乃媿吾強  
草堂錢短從誰乞何日歸與樂飴香  
必香言堂弟所自  
然言未有堂也端一日徐廉峯家樹齋先生招同劉青原師陸梅

伯言艾至堂王琴查李蘭屏彥彬史梅叔李和

叔馬湘帆集飲江亭陳少府文焯彈琴高山人

起鵬作圖

良會屢見招茲辰暢琴酒西山適朝霽濃雲積猶厚空  
亭涼意生萬態翁以受琴理已有倫酒德亦无咎座中

同志多海內知名久文人沿結習所托期不朽作圖紀

雅集端一續重九

去歲重九  
謔集於此

天中德壽詞

間參米汁證鷄蘇佛國長春祝到無小語竺家諸姊妹  
生朝先去拜王姑

重羅十字圻瓊肌名士貧充季女飢隔月預籌湯餅會  
丹蝦紫葦漉銀絲

菖蒲九節茵雙莖壽石三峯水一泓鍊到身輕兼骨換  
仙厓還採綠昌明

朝來花露盪盪微午後蘭湯葶苈肥壽字綿長心字宗

禮星薰透六銖衣

瑣骨玲瓏自在身  
紗幘繡佛有針神  
昨宵綵縷添長命  
牽向蓮波界襪塵

服食麻姑久駐顏  
從前煙火病人間  
紫蕊一樹鷄心果  
合住三神海上山

安榴樹汁釀紅霞  
五色崑崙異味瓜  
略比齋期持五淨  
一丸鳧卵變松花

石床麟席織桃枝  
蓮粉醮霜塑汗肌  
現與花神圖位業  
白餘容朶正開時

紫霧青霞裊碧塵  
耕煙龍子產東閩  
羊裘客是神仙壻



詞白華亭宮記  
約買瓊田種富春

芙蓉汗褶藕絲裙翠羽珠麁簇鬢雲  
叩到石言諸比目  
女仙中有范成君

由潞河至津門計離京三宿  
玄慘然成詠

明星朗心字初月隱眉痕  
昨夜楊村泊淒然動客魂  
急流關柝亂遠火市聲喧  
又向丁沽過羈懷那可諱

自德州起旱作

獨漉蹠涔水依微腰站煙  
輕雷農碓多小雪婦收棉樂  
歲景如此平疇青可憐  
車輪空四角蓬轉意茫然

由王利集至蘭陽作

明星出東方馬鳴天欲曙  
驅車上大隄舉火呼隔渡  
須臾燈漸白早見蘭陽樹  
當時龍來四野塞  
霧霧登邱望古城東昏逢彼怒  
我來天鏡開初日紅銅鑄  
浩浩見黃流千里曲迴互  
昏明豈有時今古等行路

陳橋行

男兒大志素有此黃袍  
加身作天子天教太后脫  
杯羹佛閣塵封散甲士  
真無謾語驗金猴可知寒  
在五更頭好酬功狗一杯  
酒廓然智略非權謀  
玉斧劃河僅自守得國原  
從孤寡手黃袍黃袍莫  
回首帳下青衣泣行酒

唐將軍歌

祥符志唐琦開封人  
紹興也高宗南渡金將  
海金卷八追至浙江紹興太

守李鄴以城降一日鄴方與琶八並馬行琦持  
二大甃登市閣上祝曰願天相我一擊殺此兩  
賊甃飛下中鄴馬琦被執因罵鄴曰我月請官  
一石米且負國汝受方面之寄甘心降虜尚  
有人心耶琶八怒曰汝欲何以死琦曰我願以  
布裹尸灌以脂焚三日琶八如其言焚之三日  
琦恐琶八追及高宗故焚月以  
緩其程越人義之有唐將軍祠

市閣轟然飛大甃中一馬乃背兩賊一賊怒劇一賊慙  
天不相我真可惜求死得死死法奇乞脂灌布布裹尸  
焚之三日駕已遠死猶脫君兵可緩嗚呼將軍月請一  
石米不忍負國乃如此紛紛賣國皆賊臣桓桓軍校多  
異人君不見橋下伏者施將軍施名全岳忠武  
被害刺賊槍者

讀曹勛錄

曹勛錄載靖康之變中書舍人姜堯臣勸欽宗勿出爲番使以骨朶朶其口仆地四太子求王婉容爲粘罕子婦婉容自刎死楊嫗長子若水乞勿北狩二帝爲兀朶埋土中亂箭射死三人事皆不紀此錄可補史傳之闕

執政弗止舍人止骨朶朶來小折齒青城再出易青衣主辱自來臣可死忍辱偷生豈無媿一婦人拒四太子身埋土中集萬矢楊嫗有子字若水之三人事史弗書曹勛錄載良不誣嗚呼如何直輩豈勝誅

### 大梁臬署遣興

言日詩下卷  
十一  
匣劍遨遊橐硯隨偷閒仍得下  
瓊帷漢書偶搯兒寬傳  
蕃宇重摹女直碑架上白雲堆  
說帖樽前紫籙譜彈詞  
收藏京兆春風筆待取姬人與畫眉

檢麓監鈴守座隅用時真覺五官俱  
僮司筭算知黃白  
吏抱文書審墨朱綱目新編存計簿  
春秋凡例附宗圖  
郝生入幕資調笑繫肘纏腰竊自娛

郭羽可以畫竹及詩集見貽賦謝卽送其返京師  
文湖州後幾千載老可重來郭永豐  
嚙強龍蛇一枝筆  
破窗風雨戰長空

劍在床頭詩在手郭生奇氣劇縱橫  
河聲嶽色自蒼莽

明日一樽誰送行

遊梁雜詩

複道離宮蔓草平古時秋竹暮煙生  
菟園賓客多才俊白首遊梁笑馬卿

賓館遺墟徧草萊珍裘珠鳥亦成埃  
揚州門外鴉嚙樹還望屠兒塚上來

師曠臺高幾易名當時歌吹作繁聲  
北風夜半塔鈴語梁孝王年觴雪晴

粥鼓經魚結勝緣嬉遊嘈雜鬧蛾天  
劫灰莫問齊天保

琴語銷沈八百年

曾子固有相國寺聽琴序

詩集卷之三十一  
十三  
數行煙柳汴河秋落日啼鳥訴古愁冷煞當時萬眉葉  
廣陵花盛帝東遊

六軍判後汴州強藩鎮分爭竟篡唐十七年中等安史  
不須焚劫罪朱梁

勿頸秋風報公子傷心滿路繪流民監門自昔多賢者  
張耳陳餘亦可人

燈火樊樓簫管圓風流會見政和年承平畫手皆恬逸  
間向夷門寫市廛

金梁橋上月空明紅繡鞋拋向北行堪歎幽蘭孟居上  
夢華猶自憶東京

勾欄舊曲想風流寶馬雕車作夜遊見說宣平坊裏宅  
相公新構看街樓

北去龍沙首猶肥故宮禾黍莽離離王孫善保珊瑚玦  
春草閒吟牧苑詩

花落東風不自聊朱樓春困卸雲翹憲王樂府無人解  
空抱琵琶舞綠腰

良嶽歎

三太乙宮始祈禳玉清昭應天書藏詒謀作逆窮土木  
嗟哉良嶽尤張皇當時道君喜符籙皇嗣未廣羅妃嬪  
堪輿形勢說可聽自信方士非譎張太尉剗取花石綱



應奉局設開平江水浮陸走號神運民夫十萬愁不逞  
四指揮盡充輓士由浙泝汴銜舟航奇花怪石並搜刮  
遠及滇蜀兼湖湘要令山岳突庭廡不惜脂血填池隍  
誰歟董者孟侍郎昆命壺嶠疑相望岡聯阜屬十餘里  
左山右水圖餘杭所與磴自比雪洞煉丹亭詎殊雲房  
九華玉眞儼尊奉巢鳳閣闕旃檀香龍德延福豈有此  
材工巧極窮豪芒是時海內久安久更名壽岳祈綿長  
曹組李質各奏賦瘦金書記言之詳詎知岳麓雪盈尺  
靖康禍已基混康汴州城門開復閉一朝毀拆悲滄桑  
君不見仙源玉牒盡北徙官家安用多男祥

于忠肅鐵犀行

出大梁安遠門四里許有迴龍廟廟有鐵犀背  
鐫銘詞八十八字乃正統十一年巡撫于忠肅  
公鑄以鎖河者崇禎十五年闖賊圍大梁用萬  
夫移犀于鏡百煨聲聞十里浹旬不能損其全  
軀僅于左脅少穿一穴嗣埋沒土中壬午歲後  
人刷地得之視其銘詞隱隱隆起若商周鼎彝  
銀鈎無損蓋神物爲之呵護云

解衣寒隄卒固以身代隄天可禦禦災捍患十八年

忠肅撫豫而後十八年

故物猶煩鬼呵護八十八字鐫銘詞馮夷

水怪咸避之金爲水母牛坤土五行尅制理亦宜汴州  
城門閉百日黑蛇乘浪食人骨巡撫推官俱走北踉蹌  
又見周王出是時鐵犀暗垂泣不能鬥水當觸賊賊昔  
怒犀役萬夫千鎚百煨殘其軀浹旬併力洞一穴賊力  
並詘神力扶二百年來土花紫銀鉤隱隱字隆起維公  
毅魄托精鋼不壞身堅乃有此河流湯湯繞汴隄迴龍  
廟古翩靈旗殿前瓦落驚鼯鼠冰上霜寒走鷺鷥

讀陳留汝南穎川人物志雜詠

大戴並小戴后蒼復賈蒼梁人盡能學弟子孰橋楊

楊榮皆梁人  
傳小戴之學

不讀虞延傳何能學縱囚鄉亭有徒繫流涕過陳詔  
五百里賢聚含譽見里亭曩時太史職不見奉台星  
復壁愁妻子桐棺望友朋至今稱急難慷慨說甘陵  
五經立異同臧否紛聚訟爲問丁孝公何如許叔重  
侃侃呂常侍倡言赦黨人當時二千石應自媿黃巾  
郡令著高風能逃安漢公早知公府辟悔不入山中  
竟教魚得水水鏡獨精神擊劍徐元直當時一異人  
頗怪荀文若偏推戲志才同時籌畫士日夕侍漳臺  
棄郡投河北鴻才著作宜已丁炎祚退仍記漢官儀  
祭酒佐軍謀論功首冀州終焉成大業不盡仗貞侯

堪歎邊文禮端如禰正平鉅公能薦士何苦悞狂生  
外黃博士宅人說子雲亭白首猶蒙賜辛勤注孝經  
三十二毛見閒居賦最工新愁不堪憶少日亦奇童  
吾愛阮嗣宗一醉六十日疏放得自全不臧否人物  
嶽嶽庾山甫安安謝幼與功名大門閤典午代誰如

周小湖侍御作楫督學中州事竣還朝賦送二

律

舊傳白簡肅 楓宸親見青衿拜路塵五夜臣心盟此  
水兩河士氣養如春旁搜彌切人懷璞上坐從教客飲  
醇多感龍門重招引尙遲修講媿閒身

玉尺頻持 主眷優三年報政紀軒轅共衣驄馬朝  
京闕紫甸黃河出汴州去日歸裝但圖中曩時賓幕有  
枚鄒不材慙說遊梁客風雪夷門尙滯畱

送高琴舫

滄

奉母夫人諱旋楚

孝子思爲吏言粟寸草心如何痛烏哺子影返寒林雪  
意梁園暗波光楚澤深歸途念庭訓莫犯曉霜侵

冬夜卽事簡錢鏡軒比部

相

鈴閣清嚴異直廬一燈閒共閉門居梅心數點疎星際  
麥意連番小雪初得好僕材如善馬聽通人論似奇書  
雲司風憲桂山皆朝顧影空憐短髮梳

冬夜對月有憶

頭白仍貪賣賦錢  
文園情緒劇堪憐  
寺鐘官鼓催眠食  
菊剪梅鍼隔歲年  
八寶金磚鋪月地  
九還銀汞鍊霜天  
此時此夜遙相憶  
無夢無塵各悄然

冬日偶成

風廊走葉檻眠枝  
收到冬心祇靜持  
肝膽之中宜有酒  
性靈以外可無詩  
融銀雪意開爐月  
暖王風情炙碑時  
秋鬢只今蒲柳似  
且容身作負暄葵

觀物觀生理亦齊  
閒中評品付新題  
梅當與菊推前輩  
月許從星帶小妻  
共枕人如蒙叟蝶  
同窻友似處宗鷄

由來俳體皆卑格半世詩狂近滑稽

姜子醇 慶成 望雲丐米圖

君不見狄梁公又不見顏魯公望雲望雲爲親老乞米

乞米非途窮忠臣孝子皆天性投筆橐筆事前定楊柳

春風閉玉關芙蓉秋幕開香徑

子醇於逆裔張格爾驤動五城時曾赴甘肅恭

府投劾後隨楊剛亭中丞旋楚北

朝來饌設武昌魚晨羞晨羞能供無

皖公山色腴不枯雲歸雲出乃吾廬低眉折腰士何事

抑塞才非奔走吏薄祿猶然爲養親依人乞食終非計

吁嗟夫二千石僅中大夫天縱畀余亦區區男兒自強

當四十我已不得爲親娛君行勉矣歷康衢清時軒冕



非泥塗

仕隱

客燕賓鴻年復年思鄉望  
闕漫紛然家書題就多錢  
下朝局譚來半酒邊兒女癡情貪作宦公卿閒論羨歸  
田相看仕隱皆隨分且溷紅塵作散仙

感興

富貴於人極不忘依然塗抹少年場  
揀貧舊憶燒丹術  
諱老新傳鑷白方入世尙慚蟲負版  
移家曾學鼠揮薑  
雙丸晝夜無停轉怪底浮雲爾許忙

消寒四首

紙閣輕煙着麝芬  
硯池寒水縐冰紋  
梅花艷福消甜雪  
竹葉濃春化凍雲  
綦到神仙無散局  
詩傳夫婦有迴文  
年來清課隨時辦  
眉史修成定策勲

清課

佛手圓綿白在香  
礬弟梅兄同上座  
筍奴茵妾並專房  
牙籤萬軸差難致  
擬乞閒身住玉堂

清供

花來鏡裏酒床頭  
紙帳輕煙淡未收  
鶴影與梅同一瘦  
蝶身和菊證雙修  
枕邊佳句分明得  
世外名山汗漫遊  
百八鐘聲報霜曉  
月痕斜處憶羅浮

清夢

窗白爐紅斗室溫  
晉書一卷足清言  
公卿進退看綦局

風月寒暄托酒尊玉塵譚予閒有致銀笙吹字澹無痕  
松吟竹笑皆名理呼鶴前來與細論

清言

冬夜得雨喜呈桂山廉訪

爰書勘罷白雲編退食閒分上座瓊雨代雪彌祈禱意  
酒從燈結喜歡緣判花在手催無滯說餅關心盼有年  
安上門開監者報流民近日各歸田

銀海

銀海華光聚雪濤槐堂門徑異蓬蒿花從夙世修來貴  
月向圓時托處高雪後巖巒圖良岳鐙前香茗讀離騷  
珠禽夢熟雙栖穩暖到煙村交翠毛

大雪白漿澤出漕道渡河至平泉口

風虎團黃暈雲龍展白楸地浮銀海湖河轉雪山遙奇  
境忽穿穴大觀如看潮乘槎夢安穩呼酒醉寒宵

汲縣道中

雪意空林攔茫茫麥秀墟寒溪仍有釣廢冢久無書夜  
飲人投店朝歌客下車低徊大仁里遺俗近何如

比干墓

六百祀終忽一杯幽隧深穴寒狐捧足墓古柏畱心石  
碣書存音銅盤歎識今朝鮮有高冢誰與表碑陰

淇縣

策馬渡洪水驅車殊洧川般壚從古沃衛女至今賢綠  
竹澤如簣碧流清且漣柏門寒色迴瞻眺益蒼然

湯陰岳忠武王故里

背渥深憐母心香謹薦師奇寃報國日獨行在冢時羊  
馬悲南牧粉榆悴北枝金陀有孫子湖上寸草祠

鄴中懷古

金爛繁昌受禪碑讓臺重築劇堪悲王圖宋否同蒼綠  
帝系何因托翠嬀瓦硯有材從古闕漆室氣逆至今疑  
依然河朔風雲氣不見黃鬚鄴下兒

邯鄲道中夜過呂仙祠

炊黍功名得未曾偶然一夢亦無憑十年宰相寒宵取  
且問山中煨芋僧

柏鄉旅舍同李新塘檢討

苑

廢塚今瓜戍寒林古柏鄉關河年歲逼風雪道途長旅  
食看同拙安眠共不遑統如沉凍鼓荒夢入漁陽

讀白華草堂詩二集卷十終

讀白華草堂詩二集卷十

三